

Niyexpa amatlahcuilol tlen oquihcuiloh in teotlatlantli

## Juan

### Juan ictlahpaloua uan icuehcapantlalia in Gayo

<sup>1</sup>Neh tlayacanqui innauac in tlaniltocanih, inmitzontlahcuilulia touatzin, notlasohicniu Gayo, naquin tlamilauca inmitzonniqui.

<sup>2</sup>Notlasohicniu, intlatlautia Dios que ohcon quen tonmochicauti itich in tlaniltoquilis, ohcon motlalnacayo mai ica chicalis, uan itich nochi mamitzonyau cuali.

<sup>3</sup>Simi onipac ihcuac oualahqueh in tocnian tlaniltocanih uan onechnonotzqueh moyecchualis, quen tonnihnintoc itich in tlen milauac.

<sup>4</sup>Amo cah itlah tlen ocachi ica inpaqui tlamo ihcuac incaqui noconeuan nihnimih itich in tlen milauac.

<sup>5</sup>Notlasohicniu, simi cuali tlen itconchiua ihcuac itquimonmatlani in tocnian tlaniltocanih, uan ocachi innauac naquin uitzeh uehca.

<sup>6</sup>Yehuan yoctematiltihqueh nican, innauac in tlaniltocanih, motetlasohtlalitzin tlen otconnextih innauac. Inmitzontlatlattia, ixquimonmatlani ohcon quen

icnamiqui iixpan Dios ica tlen quinpoloua para in ohtli.

<sup>7</sup>Pues yehuan ooneuqueh icematiltisqueh nitoocaatzin in toTecotzin, uan amo ictemouah maquinmactican itlah yehyeh naquin amo tlaniltocanih.

<sup>8</sup>Ica non, tehuan moniqui matquinyecsilican uan matquinmatlanican nonqueh tocnian, uan ohcon inuan matsepantiquitican itich in tlen milauac.

### In teixnamiquini Diótreres

<sup>9</sup>Neh yonquintlahcuiluilih in tlaniltocanih, masqui ohcon Diótreres simi iclasohtla tlayacantos, uan amo techtlepanita ica tlen itquiluiah.

<sup>10</sup>Ica non, ihcuac ompa nias, in teixpantis nichualis imixpan in tlaniltocanih quen quihitohtinimi tlensasostlacatilis de tehuan. Uan amo quisa nipaquilis san ica non, tlamo noiqui amo quinsilia in tocnian tlaniltocanih, uan naquin icniquih quinsilisqueh amo quincea maquinsilican, uan sansimi quinquihquixtia

acmo mapouican iuan in tlaniltocanih.

<sup>11</sup>Notlasohicniu, amo xontelasaluili itconchuias tlen amo cuali, tlamo yeh tlen cuali. Naquin icchiua tlen cuali, iaxcatzin Dios, pero naquin icchiua tlen amo cuali, amo quixmati Dios.

#### **Nicualichiualis in Demetrio**

<sup>12</sup>Nochtin cuali yec tlahtouah de Demetrio, uan nicualichiualis icnextia nic yeh nihnintoc itich in tlen milauac. Uan tehuan noiuqui ittematiltiah nicualichiua-

lis, uan nanconmatih nic tlen ittematiltiah yeh milauac.

#### **Juan monauatia**

<sup>13</sup>Oc inpia mic tlen inniqui inmitzoniluis, pero amo inniqui inmitzonihcuiluulis itich nin amatl, <sup>14</sup>pues inyoluihtoc niman nias inmitzonitatu uan ihcuacon uilis itmonohnotzasqueh.

<sup>15</sup>Dios mamitzonmacti niseuilitzin. In toyolohicnluan tlen chanchiuah nican mitzontlahpalouah. Touatzin noiuqui ixquimontlahpalo sehse in toyolohicnluan tlen oncan cateh.